

Dèwà Sɛ Pôl Kɔɛ Lè Tîtè

Mè hwæsi

1 ¹Mùn Pôl nɛ ta dɛwà ton sɛ kɔi. Mùn ni ci-she Mvènnswæb, mùn kònddì bɛ ci-ntwum Yesù Kristò. Mvènnswæb fyi mùn le mùn kpa' bɔwum bɛ nɔn yæn, mùn kpa' bɔn lè bɛ dɛyili ñlim nywi yon, mùn ci bɛ limmì ywum yɛ dɛyì lɛŋkæm, ywum yɛ ta bɔwum mbòkì tòn nɛ nɔn yili lisea. ²Li, bǎ bɔn limmì lwen le bɔn yɛ ñzison dɛwùmdwùm cinni. 'Be lè ŋgyɔ' wan dɔnmi kife', Mvènnswæb ciɛ bwi' ñkàli le bwi' yɛ ñzison cinni. 'Bwi' limmì le nɔn, ñzǎ' le' yon tà ka pyì ŋgyɔ' dɛn. ³Kwan kin wòlì, à kwàsà ñkàli yi kɛ nzǎ' le' yon nɔn. À kwàsà yon kɛ ntwum yɛ nɔn fyi mun fya' le mùn ni she yi lè bɔwum wɛ tà she nɔn Mvènnswæb, Ci-nswæti nye', nɔn yili.

⁴Mùn tà wu dɛwà ton sɛ kɔi, wù Tîtè nɛ mwen nyèm nyɛ ñkàmŋkæm ntwi' sɛ bwi' cinni ñdɛyili nlim fɔ' bwi' lè wù. Cɛ nyɛ' Mvènnswæb bɔn lè Ci-nswæti nye' Yesù Kristò, bɛ ŋgænni wù, bɛ fɛ wù fɔa.

She sɛ Tîtè lwæbbe bɛ kɛ Krê' lè nɔn pwesi

⁵Ñdɔnnzi yɛ mùn dɔnnzi wu kɛ Krê' yɛ, à yi bǎ wu fɔsì ywum yɛ bɛ lè yɛ wòlì kife', bǎ wu kònddì bɔwum yænni le bɔwumŋkæm ŋkwìn bɔwum Yesù Kristò kɛ mɛ nsòn mɛ nsòn wɛ tà she mùn lisea wù. ⁶Mwum nɛ bɛ ta yæn lè mwumŋkæm ŋkwìn bɔwum Yesù Kristò, a yili kan le à bɛ lè mè le' mbyibbɔa nywi, à bɛ mwum nɛ cinni mlib mbɔ'. Sɛ yili le bɔwɛn byon dɔwɛn Yesù Kristò, pa' tòn shan bɛ tì ku' lwen lè bɔwum hwæn pæ' yɛn le bɛ tà ka mè le' mbyibbɔa cǐ, shìkì bɛ fyinnzi ku' ŋwum bùba nyan. ⁷Mwumŋkæm ŋkwìn bɔwum Yesù Kristò ni mwum nɛ tà she Mvènnswæb cǐ. Li nɛ sɛ yili le ba à cinni le' byebbi ndɔ' kɛ kwæ' nywi shon nɔn; ba à bɛ ci-nshela' nywi, shìkì à bɛ ku' ci-nyeni, shindɔ' ci-nywika' ywum nwi. Ba à bɛ ci-ndwìkà' mɛ twù', shìkì à kæb ku' mè mbyi njika' lòn fyà' fɔa. ⁸À fyòn bɛ mwum nɛ tà mè kyìn yɛ lwen, à kònddì bɛ mwum nyɛ yili ñcìkà' ywum lwukea. À bɛ tì mwum nyɛ cinni mwù. À bɛ ñlwinni, à bɛ mwum nyɛ mbyi Mvènnswæb nɔn, à bɛ tì ci-mbæn nlim. ⁹Mwum màzwùm kònddì tì ku' le' lɛŋkæm sɛ bwi' ta lisà' bænni mwu lwen. Nɔn

be li, à wòli à tètì òwùlu zwùm lè òlìsà' ye nun tǎ ywum òkǎmòkǎm màzwùm lisea. Kwan màzwùm, à wòli ti à lisà' pisean lè òwum bye ta le' màzwùm byìnnòà le byi bi òwua' mbyi nlwen.

¹⁰Pa' òwum màzwùm bi mèan. Mwum ne bon ta òwum yon ywo à òǎn. 'Be ta òwum pòkea lè òzǎ' le' pwinpwin yan. 'Bwum màzwùm fòsi màn òzwo' ke me Yuda bye twò' kwù ke le' ndunzi ndùn nun. ¹¹Ba wù donzi bon be konndi liseò' mbyí, ntwi' se be ta mè mvu òwum kyèa mèan òin. 'Be ta ywum ye ba mbyi nun lisea, mè nlim nyan tǎ su' òyi lè òyèkǎ' lòn nyènye. ¹²Mwum ndò' nyè ti ku' mwum Krè' wè bon lele le' màzwùm lè òwum yon, mwum màzwùm be ci-nlèli ke òwum mè swèb bye kwe nlim Krè' nun. À lelì le òwum bye Krè' bi kwan hwæn mè ci-me mòwè', à bi wè nyæm nyenea ye mbo nun, à bi mè ci-òwæ', be ta su' tòn ji tòn.

¹³Swum se nun le' ku' si, le' lèkǎm se. Li ne se yili le wù nyenndi bon òǎ bon fòsi òdyili nlim yon ne' cinni nywi Yesù. ¹⁴Wù òwosi bon mè ywi' le ba be ke mwù lè mè tan me Yuda, shikì be ke ti ku' mwù lè mè lwua' bye òwum be ta le' lèkǎm byìnnòà ta òwi lè bon ne'. ¹⁵Ywum hwæn yi sanmi ke nywi mwum ne òyi sanmi ke swi' Mvènnswèb. Ti lè òwum bye mè nlim nyan ni mbyibbòà, be yonnzà nyè lè Mvènnswèb, swum sanmi ba cì shan. 'Be tǎ ka tí òàkà' lè mè le' mbyibbòà ne bon ta cì, kon shan hwæn ti lwinni lè mè le' mbyibbòà. ¹⁶'Be ta shè lè mè òwum nyan le bon limmi Mvènnswèb, son, mè kikæn nyan ne bon ta cì tǎ lisà' le be limmi kan nun. Mè kikæn nyan ne bon ta cì ni nyè Mvènnswèb byìnnzi. 'Be tǎ ka Mvènnswèb mwumzi, shikì be cinni ku' kim nci swum lwen kwo fò'.

Mbòkì tòn ne yili le òwum bye ti Mvènnswèb òwon ton nlim

2 ¹Ti lè wù, Tîtè, lisa' ywum ye òyi zu' ke mbyi Mvènnswèb nun. ²Shè lè mè òwebshì le ba be be mè ci-nywika' ywum nwi, be ci ywum hwæn ke mwum zwèm; be be ti òwum bye lè mwù nun, be fòsi òlim òyili nywi Mvènnswèb, be ke òlim lè òwùlu mbyimbyí, be be ti mè ci-mfyimzi me le'.

³Wù shè ti ku' mbanmbò' lè mè yibshì le mbòkì tòn nyan be nyè òwum bye ti Mvènnswèb òwon. 'Ba be hwèb òwùlu, shikì be be ku' mè son ywum nwi. 'Be leb ndeb lwen lè òwùlu. ⁴Li, òǎ be lisà' mè yib bye ta wa' be mbòkì ne se yili le be yili mè òweb byan lè òwen byan nun. ⁵Wù kònnndi bon shè le be be òwum be cinni mè mwù nlwinnea, shikì byebbi ndò' be bon nywi, be be ti ku' mè ci-òwæm òkǎmòkǎm, be ci mè le' nlwukea, be be mè yib bye ta mè òweb byan mwumzi. 'Beshe bon be li, lè mwum ndò' òǎ le' byebbi lelì nywi nzǎ' le' Mvènnswèb.

⁶Wù kònnndi ti ku' le' fò' màzwùm lelì lè mè mbipàn me òweb le mè mwù nyan be nlwinnea. ⁷Wù ne', ke ywum cì ywù nun hwæn, lisa' mbòkì nci lwen ke swi' shan. Wu yè ywum lisea, wù lisà' ke mwum zwèm lè òlim fò'. ⁸Òzǎ' le' ye ye wù kwean òwum ye be ye òyi zu', ba ye be òzǎ'

le' ye be ye shòlà'. Li, mè ci-byìnnzi byú ye lwin lè kwènnjin dín, ntwi' se be ba swum se be ye bwi' shòlea nlim cinni.

⁹Wù shè lè mè son le be mwumnzi mè ci-nye byan, be ci ywum hwæn ye be ta bon shè le be ci, ba be fyinnzi mè ñwum nyan. ¹⁰Ba be lwum bon swum ndò' yibbi næm. Be fyon be kwan hwæn ðwum bye ta mè kikàen nluwkea cí, be be she shan nun ywòli. Beshe bon ci li, lè ðwum ye le' se bwi' ta shè ke jin Mvènnswæb, Ci-nswæti nye' nun twuli.

¹¹À si lwen le mwum hwæn lwinnzi ywum ton yi ntwi' se Mvènnswæb lisea kwènnzi nlim shon, bǎ nun swæti ðwum hwæn. ¹²Ñkwènnzi ye nun kwènnze ñlim yi yi ta bwi' lisea le bwi' pæ' fyà' lè mbòki tòn mbyebbi, kònddi lè ñyili ye bwi' ta ywum ñgyò' wan ye ta bwi' ñlim kwènni yili. Li, bǎ bwi' be fe ñgyò' wan nun ðwum bye cinni mwù, bye lwinnea, bye ta Mvènnswæb ywòli. ¹³Se cibbi le bwi' cinni mbòki tòn li, kwan se bwi' bi ke mbòngǎ' ñgyìn nlwèn ne bwi' ta zwùm tèli lè nun. Ñgyìn màzwùm ni ñgyìn ne Ci-nswæti nye' Yesù Kristò yé ðwùmni ke ntwu yon nun. Nun ne ðyi Mvènnswæb ndwun nye'. ¹⁴À ywie ntwi' ye', lè nun pæ' bwi' ke byebbi nun, bwi' konndi ti ku' be ñkwìn ðwum ye nun fyòsá sanmi ke swi' shon, bwi' be ðwum byon, nun kyishon; ñkwìn ðwum ye ywime mwù ké lè ñcìkà' me le' nluwkea kwan mèan hwæn.

¹⁵Ywum ton yi hwæn, yon ye wù yé ðwum lisea. Leli wé mwum nyé tá sa' sea, wù kimnzi bon mè nlim, wù ðwosi ðwum bye tà ka ywò' mè ywi'. Ba wù cì ñdò' cinni wù kwèm byìnnzi ke nywi.

Ywum ye yili le mè ci-ndwon Mvènnswæb ci

3 ¹Wù yé ñkwìn ðwum Yesù Kristò shè le be ywò' ñwum mè ci-me ñgyò' be ywò' bon, be mwumnzi bon, be be ðwum bye yili ñcìkà' me le' nluwkea kwan hwæn. ²Ba be sean jin byebbi ðwulu, shìki be klwikà' ku' mè le'. Be fyón be flòkea, be be ti ku' kwan hwæn sàsi lè mwum hwæn. ³Bwi' be ku' làn nye' mbyí ñjimmi nun li. Bwi' be kǎn mè ci-mwumnzi ðwum, bwi' be ðwum be be be ðwuá mbyi Mvènnswæb nun, bwi' be mè son ywum lwukea ye bwi' be tæm ñgyò' wan nun. Mbòki tòn nye' be byebbi seansean, bwi' be ti ku' ywum ðwulu timmea. Bwum be bwi' byìnnzi, bwi' byìnnzi ti ku' bon. ⁴Kwo fe' li, Mvènnswæb ne Ci-nswæti nye' lisa' bwi' kwènnzi nlim shon lè ñyili ye nun yili ðwum, ⁵à swæti bwi'. Nswæti ye nun swæti bwi' ba ntwi' bwi' be mè le' nluwkea cí, à swæti bwi' ntwi' nun cinni kwènnzi nlim lè bwi'. À sannzâ bwi' lè ñkimmò' Mpùn Nsanmi, li, bwi' ti be yeli nywæb, bwi' cinnâ ñzison she nywæb. ⁶Ke fya' Yesù Kristò ne Ci-nswæti nye', Mvènnswæb kèâ bwi' Mpùn Nsanmi me nlim. ⁷À cí li bǎ nun fyòsi bwi' sanmi ke swi' shon, bwi' cinni ti ñzison ðwùmðwùm se bwi' ta zwùm tèli le à yé bwi' fe. À cì li ke kwènnzi nlim shon nun.

⁸Ñzàè' le' ne bǎ nyé ñkwùm ñgyi. Mùn yili le wù ðyi ke nzàè' le' màzwùm nun kimmi, bǎ ðwum bye ta ñlim ðyili nywi Mvènnswæb, be

fɔsì ywum lwukea cí kwan hwæn. Mè le' nlwukea nɛ wòli à kpa' ɓwum à ni.

⁹Ba wù ðunna' mè le' mpwìnpwìn. Wu ɓɛn cì ndɔ' lè ɓɛ ta mè tan ɓɛ ɓɛ mbyí tean, ɓa wù kwemmi kwe. Ba wù ðunmi fyònnzà' mɛ le' ɓyin lè ɓon, shìkì wù pyìsì ku' mè le' ke nywi mɛ lwuà mɛ Yudà. Pa' mɛ le' màzwùm cinni kan mwù; sɛ tà ka mwum ndɔ' kpea. ¹⁰Mwum nɛ ci-gwànnzì ke ñkwìn yin nun hwæn, yæm nun le' màzwùm kàmmi ɓi, ɓeshe nun kònddì tì ɓɛ, wù kyìllì lè nun. ¹¹Pa' mwum sɛ li si, wù limmi lɛ sɛ ɓwuà mbyi ñkàmñkæm. À ni ci-ncí ɓyebbi, li, ɓyebbi nyon yě kwàllì lè nun nɛ'.

Mmlòkà' nzǎ' le'

¹²Mùn yě cì mùn fyi Àrtèmasì, shindɔ' Tìshì' cí swù. Wu yɛn lɛ ɓɛ ɓɛnme, wù kpæm mɛ', wù kìn mùn cinni ke Nìkòpòlà. Ntwi' sɛ mùn yilâ lɛ mùn lànnzì kwan mbɛb kwe hwæn. ¹³Ba wù fyɔ' zɛ' lè Zènâ, mwum nɛ ci-nlimmì mè lwuà, ɓon lè Àpòlò. Kæb ɓon swum ndɔ' ke kèn shan sɛ ɓon yɛ kèn nun, wù cì ɓa swum ndɔ' shi' ɓon. ¹⁴Sɛ yili ku' lɛ ɓwum ɓyɛ' limmì ñlwinnzì mɛ le' nlwukea wě tà she sɛ ta yili, ɓǎ ɓɛ kpa' ɓwum ɓyɛ cinni kan swum ndɔ'. Li, ɓɛ yɛ ɓɛ ɓwum ɓyɛ lànnzì kan kwan shan ke ñgyɔ' wan ðin. ¹⁵Bwum ɓyɛ ɓwi' ɓi ɓwi' lè ɓon hwæsi wù. Hwæsi ɓwi' ɓwùlu ɓwum Mvènnswæb ɓɛ yili ɓwi'. Mvènnswæb ñgænnì ɓyin, ɓyin hwæn.